

Htawm tem' ri tuil' ri Hpi'le'mon eun

Htawm tem' ri tuil' ri Hpi'le'mon Eun

¹ Htawm ti ok' aen' na ko', meuh ui' Paw'lu ku' pun ri ut' nang htawng' pun Yesu' Hkrit Eun, awng' e' Ti'mo'se,

ya tem' ri tuil' a ri Hpi'le'mon ku' meuh a'mawo leumeus' ya na' mi, ² ri Ahpia ku' meuh awng' beun' e' na' ka, ri Ahki'pas' ku' peuong' suik' mae' ui' na' mi mae' muk kon' Hkrit hk'om puri nang nya mi na' pe'.

³ Kah mun' sin' mae' hk'a' kuit nyawk' kuit sam'ran cumyen' lih neum Kuiing' Peucawo' e' na' Eun mae' neum Cawo' Yesu' Hkrit Eun na' kue' ri pe' reu'.

Hk'a'yum' hk'a' leumeus'keus eun Hpi'le'mon

⁴⁻⁵ Kopti pun ui' ri mhawng' hk'a' yum' mi Cawo' Yesu' Hkrit Eun na' mae' hk'a' leumeus'keus mi peue Eun Peucawo' na' ce gawm'euc' na', saec' meuh yamnhaw' yam hk'o' ui' mun' pun mi na', ui' mun' keuting ri Peucawo' Eun laleung. ⁶ Punta kaw mi gawm yawng ku' chak' kue' e' hk'a'nae' Hkrit Eun na' ku' ceu ka na', ui' hk'o' mun' pun kaw mi un' kaw'ring aet' gvah hk'a' yum' mi na' ri peue. ⁷ Awng' ui' na' mi, hk'a' leumeus'keus mi na' yeuh ka ui' kue' kaw'ring ren'kawn kuit sam'ran nyawk', kopti yeuh mi peue Eun Peucawo' na' ce hpum' sam'ran na'.

Paw'lu hk'o' hk'ang eun pun Onesimas' eun

⁸ Kop awn' na hk'a'nae' Hkrit Eun ui' saec' na' hat' ri tawm' leukah' ku' htuk' mi ri yeuh na' ri mi ko', ⁹ daecti hk'a'nae' vang hk'a' leumeus'keus na' ui' hk'o' a ri mi.

Uí meuh Paw'lu, meuh peue kawt. Maet'maen' uí ku meuh peue htawng' pun Yesu' Hkrit Eun. ¹⁰ Pun kon' uí Onesimas'* eun, uí hk'o'hk'ang a ri mi. Keut' eun ri meuh kon' uí yam buih ut' uí nang htawng' na'. ¹¹ Nanggal' aen' na, eun saec' na' un' kue' ku' peuehot' pun mi ko', daecti maet'maen' eun kue' ku' peuehot' pun mi maeé' pun uí yeut.

¹² Kaw uí tang cus' ku' meuh meul' bhum' uí na' eun keutah ing' ri mi. ¹³ Punta kaw eun teum'kawm uí tang' mi ri yam buih ut' uí nang htawng' pun leukah' mun' ren'kawn na', uí saec' kawn' sum' kah eun ut' maeé' ti, ¹⁴ daecti cu un' nang pun uí ahkvang ka ri mi na', uí hkuin' nang sum' yeuh keunhaw'. Punta ku' tuil' mi ku ceu na' kaw a meuh ku' sahpaw' mi ri tuil' na', a kaw un' meuh ku' tec'teng na'. ¹⁵ Hk'akcak' eun mi ti vut ti yam na', na' a chak' meuh kaw eun ut' maeé' mi cot'cu na', ¹⁶ a hkuin' laee meuh htan mhai', daecti a chak' hk'ai' mhai' na', a meuh ec'awng' leumeus'. Heun ri, leumeus' uí eun nyawk', jaen kaw mi leumeus' eun lheu' uí ri, leumeus' hk'a'naee meuh eun peue maeé' meuh eun ec'awng' hk'a'naee Peucawo' Eun na'.

¹⁷ Kop awn' na, mi lawn sawn' uí meuh a'mawo cum ri ko', hk'o' mi rap ri ti eun seun' kaw mi rap ri ti uí ri na' yeut. ¹⁸ Eun lawn yeuh ku' kleuc' ri mi, a'ko' kue' ku'ma ti ri ceu ri mi ko', sawn' ri ti a ri uí reu'. ¹⁹ Uí ri, meuh uí Paw'lu. Uí tem' htawm aen' na ri tí ri meun. Kaw uí sai' ku'ma awn' a ri mi, ku'ma a'yu ma mi ri uí na' uí hkuin' kaw lah' a rot ri ka. ²⁰ Awng', sum' pun uí ku' kue' peuehot' maeé' mi ngon' hk'a'naee Peucawo' Eun. Kah hpum' uí a sam'ran cumyen' hk'a'naee Hkrit Eun reu'. ²¹ Kopti yum' uí kaw mi leuceng leukah' uí na', uí tem' ri bu' htawm ri mi. Yawng uí kaw mi yeuh a lheu' hk'ai' ku' hk'o' uí na' yeut.

* **1:10** 10 Vangdoh' ka Onesimas' na' a meuh "kue' ku' peuehot'".

²² Ti ceu ka na', hk'o' mi rangraen hkawng vang it' pun uí. Kopti na' uí lih hk'ai' htawng', uí keutuí hpum' ri na' tang ing' ri pé seun' hk'o' pé mun' na'.

²³ E'pafas', a'mawo uí ku' meuh peue htawng' hk'a'naee Yesu' Hkrit Eun na', tawm' eun a eun lah' ri leunyeng ri mi.

²⁴ Ku' yeuh kan' mae' uí Maku', Aritahkas', Demas' mae' Lu'ka ce ku tawm' a ce lah' ri leunyeng ri mi.

²⁵ Kah mun' sin' Eun Cawo' Yesu' Hkrit na' kue' hk'a'naee hpum' pé reu'.

Plang
The New Testament in the Blang language of Myanmar

copyright © 2021 Wycliffe Bible Translators, Inc.

Language: Plang (Blang)

Contributor: Wycliffe Bible Translators, Inc.

All rights reserved.

2021-04-06

PDF generated using Haiola and XeLaTeX on 19 Oct 2021 from source files dated 14 Jul
2021

0468b0b5-acb2-59c4-92d3-4fa09a4d091c